



УЛСЫН ОНЦГОЙ КОМИССЫН
ДАРГИН ТУШААЛ

60d0 оны 11 сарын 11 өдөр

Дугаар 60

Улан-Батор хот

Удирдамж батлах тухай

"Бүх нийтийн бэлэн байдлын зэрэгт шилжүүлэх тухай" Засгийн газрын 2020 оны 11 дүгээр сарын 11-ний өдрийн 178 дугаар тогтоолын 2-т заасныг үндэслэн ТУШААХ нь:

1. "Бүх нийтийн бэлэн байдлын зэрэгт шилжүүлсэн үед хэрэгжүүлэх хариу арга хэмжээний удирдамж"-ийг хавсралтаар баталсугай.
2. Удирдамжийг хэрэгжүүлж ажиллахыг Улсын онцгой комиссын гишүүд, Гамшгаас хамгаалах улсын алба, орон нутгийн Онцгой комиссын дарга, хуулийн этгээдийн удирдлагад үүрэг болгосугай.
3. Тушаалын хэрэгжилтэд хяналт тавьж ажиллахыг Улсын онцгой комиссын Нарийн бичгийн дарга (дэд хурандаа Т.Мөнхдорж)-д даалгасугай.

МОНГОЛ УЛСЫН ШАДАР САЙД,
УЛСЫН ОНЦГОЙ КОМИССЫН ДАРГА

Я.СОДБААТАР

J. Sodbaatar
УЧААДЛАВ

Улсын онцгой комиссын дарын
2020 оны 11 дугаар сарын 11-ний өдрийн
20 дугаар тушаалын хавсралт

ГАМШГААС ХАМГААЛАХ БҮХ НИЙТИЙН БЭЛЭН БАЙДЛЫН ЗЭРЭГТ
ШИЛЖҮҮЛСЭН ҮЕД ХЭРЭГЖҮҮЛЭХ ХАРИУ АРГА ХЭМЖЭЭНИЙ УДИРДАМЖ

Нэг. Зорилго

1.1. Энэхүү удирдамжийн зорилго нь коронавируст халдварт /Ковид-19/-ын цар тахлын тархалтыг хязгаарлах, бууруулах, таслан зогсоох, шуурхай хариу арга хэмжээг хэрэгжүүлэх зорилгоор Засгийн газрын шийдвэрийн хэрэгжилтийг хангах, биелэлтэд хяналт тавих ажлыг зохион байгуулахад оршино.

Хоёр. Хамрах хүрээ, хугацаа, удирдлага зохион байгуулалт

2.1. Гамшгаас хамгаалах бүх нийтийн бэлэн байдлын зэрэгт шилжүүлсэн үед авч хэрэгжүүлэх арга хэмжээний удирдамжийг бүх шатны төрийн болон нутгийн захиргааны байгууллага, хуулийн этгээд мөрдлөг болгон хэрэгжүүлнэ.

2.2. Удирдамжийг хэрэгжүүлэхэд Улсын онцгой комисс болон аймаг, нийслэл, сум дүүрэг (цаашид "орон нутгийн Онцгой комисс" гэх)-ийн Шуурхай штаб нэгдсэн удирдлагаар хангана.

2.3. Шуурхай штаб удирдамжийн дагуу төлөвлөгөө гаргаж баттуулан, биелэлтийг хангаж ажиллана.

2.4. Удирдамжийг Монгол Улсын Засгийн газрын 2020 оны 11 дугаар сарын 11-ний өдрийн 178 дугаар тогтоолд заасан хугацаанд хэрэгжүүлнэ.

Гурав. Харилцан ажиллагаа, мэдээлэл солилцох чиглэл

3.1. Харилцан ажиллагааг үүссэн нөхцөл байдлаас шалтгаалан тухайн байгууллагын хэрэгжүүлэх чиг үүрэгтэй уялдуулан зохион байгуулах;

3.2. Улсын болон орон нутгийн Онцгой комиссын Шуурхай штаб нь нөхцөл байдлын үеийн харилцан ажиллагаа, мэдээлэл солилцоог бүх төрлийн холбоо, мэдээллийн хэрэгслийг ашиглан зохион байгуулах;

3.3. Коронавируст халдвартын цар тахлын талаарх тандалт, судалгаа, мэдээлэл цуглуулах, нэгтгэх, тайлгахаа, эрдээлийн үнэлгээ хийх ажлыг эрүүл мэндийн асуудал эрхэлсэн төрийн захиргааны төв байгууллага хариуцан зохион байгуулах;

3.4. Улсын болон орон нутгийн Онцгой комиссын Шуурхай штаб нь нөхцөл байдлын мэдээллийг нэгтгэх, шуурхай солилцоог албан тушаалтныг томилж, ажиллуулах;

3.5. Улсын онцгой комиссын Шуурхай штаб нь нөхцөл байдлын мэдээг нэгтгэж, Улсын онцгой комисс, Үндэсний аюулгүй байдлын зөвлөлд танилцуулах;

3.6. Эрчим хүч, хүнсний үйлдвэрлэл, худалдаа, түгээлт /хүнсний болон үрийн улаан буудайн нөөцлөлт, тээвэрлэлт хамаарна/, газрын тосны бүтээгдэхүүн, түлшний хангамж, түгээлт, тээвэрлэлт, хот суурин газрын усан хангамж, ариутгал татуургын ашиглалт, эрүүл мэндийн болон эм зүйнээгийн хэрэгсэл хангамжийн нийлүүлэлт, банк, хэвлэл мэдээлэл, харилцаа холбоо, шуудан, тусгайлсан чиг үүрэг бүхий байгууллага, улсын онц чухал болон стратегийн ач холбогдол бүхий объект, шүүх, прокурорын байгууллага, оршуулгын үйл ажиллагаа эрхэлдэг байгууллагаас бусад төрийн болон нутгийн захиргааны байгууллага, хуулийн этгээдийн үйл ажиллагааг бүх нийтийн бэлэн байдалд шилжүүлсэн хугацаанд ажлын тусгай горимд шилжүүлэх, шаардлагатай тохиолдолд түр хязгаарлах, зогсоо арга хэмжээг авах;

Дөрөв. Гамшгаас хамгаалах бүх нийтийн бэлэн байдлын зэрэгт шилжүүлсэн
үед хэрэгжүүлэх арга хэмжээ

Коронавируст халдвартын цар тахлын тархалтаас урьдчилан сэргийлэх, эрсдэлийг бууруулах, бэлэн байдлыг хангах, хариу арга хэмжээг авах зорилгоор байгууллагууд дараах арга хэмжээг авч хэрэгжүүлнэ.

4.1 Улсын онцгой комиссын Шуурхай штаб:

4.1.1. Улсын онцгой комиссын Шуурхай штаб нь Монгол Улсын Засгийн газрын тогтоол, Улсын онцгой комиссын шийдвэрийг хэрэгжүүлэх;

4.1.2. Улсын албад, орон нутгийн Онцгой комисс, түүний Шуурхай штабын үйл ажиллагааг удирдлага зохицуулалтаар хангах, үүрэг чиглэл өгөх, хэрэгжилтэд хяналт тавих;

4.1.3. Улсын болон орон нутгийн Онцгой комиссын Шуурхай штабаас мэдээ, мэдээллийг хүлээн авах, мэдээлэл солилцох, нэгтгэх, удирдлагад танилцуулах;

4.1.4. Авто тээврийн шалган нэвтрүүлэх товчоо, хяналтын цэгүүдэд хүч хэрэгслийг хуваарилах, үйл ажиллагаанд нь хяналт тавих;

4.1.5. Тусгаарлан ажиглах байрны аюулгүй байдал, тусгаарлагдсан иргэдийн үйл ажиллагаанд хяналт тавих, хүч хэрэгслийг томилох, ажлын зурагт оруулах;

4.1.6. Гамшгаас хамгаалах улсын албадын хүч хэрэгсэлд тодотгол хийх, бэлэн байдлыг хангуюулах, татан оролцуулах;

4.1.7. Шаардлагатай тохиолдолд гамшгаас хамгаалах хүч хэрэгслийг дайчлан гаргах, төрийн цэргийн байгууллагын зарим анги, салбарыг татан оролцуулах санал боловсруулах;

4.1.8. Нөхцөл байдлын мэдээ, мэдээллийг дээд шатны байгууллага, албан тушаалтанд шуурхай хүргэх мэдээллийг Эрүүл мэндийн асуудал эрхэлсэн төрийн захиргааны төв байгууллагатай хамтран иргэд, олон нийтэд нэг сувгаар хүргэх;

4.1.9. Бүх шатны Шуурхай штаб, хяналтын цэгүүдэд үүрэг гүйцэтгэж байгаа алба хаагч, ажилтанд шаардагдах хамгаалах хувцас хэрэглэл, техник,

багаж хэрэгсэл, хоол хүнсээр хангах, хариу арга хэмжээний хөрөнгийн тооцоог гаргаж, Улсын Онцгой комиссын даргад танилцуулж шийдвэрлүүлэх;

4.1.10. Тусгаарлах байрны нөөцийг нэмэгдүүлэх, зайлшгүй шаардлагатай тохиолдолд байгууллага, хуулийн этгээдийн барилга байгууламжийг дайчлах санал боловсруулах;

4.1.11. Хэвлэл мэдээлэл, олон нийтийн мэдээллийн сүлжээнд гарч буй мэдээ, мэдээлэлд дүн шинжилгээ хийх.

4.2. Гамшигаас хамгаалах Эрүүл мэндийн улсын алба:

4.2.1. Коронавируст халдвартын цар тахалтай тэмцэх, хариу арга хэмжээний төлөвлөгөөг тодотгож, төлөвлөгөөний дагуу тохиолдлын голомтод үүрэг гүйцэтгэх бие бүрэлдэхүүний бэлэн байдлыг хангах;

4.2.2. Дэлхийн эрүүл мэндийн байгууллагатай мэдээлэл солилцох, зөвлөмж авах, нөхцөл байдлын талаарх мэдээллээр Улсын онцгой комиссын Шуурхай штабыг хангах, мэдээлэл солилцох албан тушаалтыг томилгоожуулан ажиллуулах;

4.2.3. Эрсдэлийн үнэлгээг салбар дундын оролцоотой хийж үр дүнг шийдвэр гаргах үйл ажиллагаанд ашиглах;

4.2.4. Нөхцөл байдлын мэдээллийг олон нийтэд үнэн зөв хүргэх, халдвараас урьдчилан сэргийлэх зөвлөмжийг олон нийтийн хэвлэл мэдээллийн хэрэгслээр тогтмол хүргэх;

4.2.5. Иргэдийн сэтгэл зүйг тогтвортой байлгах чиглэлээр мэдээлэл сурталчилгааны ажлыг тасралтгүй зохион байгуулах;

4.2.6. Анхан шатны эрүүл мэндийн байгууллагуудын бэлэн байдал, нөөцийг хангуулах;

4.2.7. Коронавируст халдвартын тандалт, хариу арга хэмжээг шуурхай зохион байгуулж, мэдээллийг холбогдох байгууллагуудад хүргүүлэх;

4.2.8. Иргэдэд мэдээлэл өгөх, гомдол санал хулээн авах утсыг 24 цагаар ажиллуулах;

4.2.9. Халдвартын тандалт, илрүүлэлт, оношлогоо, эмчилгээний нөхцөл байдлын мэдээллийг Улсын онцгой комисс, Шуурхай штабт 6 цаг тутамд өгөх;

4.2.10. Өвчний тархалт нэмэгдсэн үед эмнэлгийн тусламж үйлчилгээний бэлэн байдлыг хангах шаардлагатай холбогдох нөөцийн судалгааг гаргаж, Улсын онцгой комисст танилцуулах;

4.2.11. Эрүүл мэндийн байгууллагуудын холбогдох нөөцийн судалгаанд үндэслэн нахөн бүрдүүлэлт хийх, хуваарилах;

4.2.12. Халдвартын тархалтаас хамааран эмнэлгийн тусламж үйлчилгээ үзүүлэх, ор дэлгэх бэлэн байдлыг хангах;

4.2.13. Голомтын эцсийн халдвартгүйжүүлэлтийг хийх багуудын бэлэн байдлыг хангуулах;

4.2.14. Ариутгал, халдвартгуйжүүлэлтэд хэрэглэгдэх бодисын нөөцийн судалгааг улсын хэмжээнд гаргаж, хомсдол үүссэн үед хээрийн эмнэлэг дэлгэн ажиллуулах, бэлэн байдлыг хангах;

4.2.15. Цар тахал эрчимтэй тархах эрсдэл үүссэн үед хээрийн эмнэлэг дэлгэн ажиллуулах, бэлэн байдлыг хангах

4.3. Гамшгаас хамгаалах улсын албад

Хэв журам сахиулах чиглэлээр:

1. Улсын онцгой комиссын шийдвэрээр засаг захиргаа, нутаг дэвсгэрийн хэмжээнд хорио цээр, хязгаарлалтын дэглэм тогтоосон бусад гэмт хэргээс урьдчилан сэргийлэх, нийтийн хэв журам сахиулах, олон нийтийн аюулгүй байдлыг хангах, бусад мэргэжлийн байгууллагуудтай хамтран эргүүл зохион байгуулах;

2. Авто тээврийн тухай хуулийн 14 дүгээр зүйлийн 14.1.1-д заасны дагуу Улсын онцгой комиссын шийдвэрийн хэрэгжилтийг хангах, мөн хуулийн 14.1.2-т орон нутгийн тээвэрлэлтийн чиглэлд аймаг, нийслэл, сум, дүүргийн Засаг даргын шийдвэрийг гаргуулах;

3. Нехцел байдал хүндэрч болзошгүй нутаг дэвсгэрт ажиллах төлөвлөгөө, zuраглал, ажил үүргийн хуваарийг дахин тодотгож, холбогдох төрийн байгууллагуудтай хамтарч мэдээ, мэдээлэл солилцож, хойшлуулшгүй арга хэмжээг шуурхай авах;

4. Орон нутгийн Онцгой комиссын дарга, гишүүдэд олон нийтийн аюулгүй байдлыг хангах арга хэмжээний санал, шийдвэрлүүлэх хөрөнгийн талаар танилцуулж, шаардлагатай тохиолдолд хөдөлгөөнт постыг шилжүүлэн ажиллуулж, хяналт тогтоох;

5. Үүссэн нехцел байдлын талаар Улсын онцгой комиссын Шуурхай штаб, Эрүүл мэндийн асуудал эрхэлсэн төрийн захиргааны төв байгууллагатай хамтран иргэд, олон нийтийг бодит мэдээллээр хангах, урьдчилан сэргийлэх чиглэлээр явуулж байгаа ажил, арга хэмжээний талаар хэвлэл мэдээллийн байгууллагуудтай хамтран мэдээлэл түгээх;

6. Төв, орон нутгийн замд зорчих хөдөлгөөний аюулгүй байдлыг хангах, сийрэгжүүлэх, хяналт, шалгалтыг эрчимжуулж, хөдөлгөөний аюулгүй байдлын эсрэг гэмт хэрэг, осол зөрчлөөс урьдчилан сэргийлэх, цаг агаарын аюулт үзэгдэл тохиолдож болзошгүй үед болон баталгаат бус замаар тээврийн хэрэгслээр зорчихгүй байх талаар жолооч, зорчигчдод анхааруулга, сэрэмжлүүлэг ёгех;

7. Хяналт тогтоосон бусад ажиллах алба хаагчдын дархлааг дэмжих, эрсдэл аюулгүй байдлыг хангасан хоол хүнсээр хангах ажлыг зохион байгуулах;

8. Холбооны хэрэгсэл, радио станц, шаардагдах тусгай хэрэгслээр алба хаагчдыг бүрэн хангаж, бэлтгэл, бэлэн байдлыг хангаж ажиллах;

9. Харилцаа холбоо, мэдээллийн технологийн байгууллагатай хамтран хэвлэл мэдээллийн хэрэгсэл болон олон нийтийн сүлжээгээр явуулж байгаа худал мэдээлэл, бусдыг турхирч, өдөен хатгасан мэдээ, мэдээллийг шалган шийдвэрлэх, холбогдох хуулийн дагуу хариуцлага тооцох;

Зам тээврийн чиглэлээр:

1. Нийтийн тээврийн хөдөлгөөний цагийн хуваарийг чанд баримтлах, тээврийн хэрэгсэлд ариутгал халдвартгуйжүүлэлтийг тогтмол хийх;
2. Хот хоорондын тээврийн хөдөлгөөний хязгаарлалтыг хэрэгжүүлэх;
3. Төрийн болон хувийн эзэмшийн тээврийн байгууллагуудад халдвараас сэргийлэх, хяналтын талаар холбогдох байгууллагатай хамтран ажиллах;
4. Унийн хөөрөгдөл үүсгэхгүй байх зорилгоор хүнс, өргөн хэрэглээний барааны тээвэрлэлтийн тасралтгүй ажиллагааг хангах;
5. Төмөр замын тээвэрлэлтийн үйл ажиллагааны тасралтгүй байдлыг хангах, ажилтнуудад зааварчилгаа өгех;
6. Шаардлагатай тохиолдолд хавьталд орсон иргэдийг хайх, зөөверлөн эмнэлэгт хүргэх ажиллагааг тээврийн хэрэгслээр хангах;
7. Улсын болон орон нутгийн чанартай авто замын зорчих хэсгийн аюулгүй байдлыг хангах;
8. Нисэхийн аюулгүй ажиллагаа, аюулгүй байдлыг хангах, нислэг үйлдвэрлэлийн үйл ажиллагааг хэвийн явуулахад зайлшгүй шаардлагатай аэронавигацийн болон нисэх буудлын харуул хамгаалалт, инженер техникийн ажилтнуудын бэлэн байдлыг хангаж, алба хаагчдын ажиллах нөхцелийг бурдуулэх;
9. Монгол Улсын агаарын зайн дамжин өнгөрөх нислэг хөдөлгөөний үйл ажиллагааг зохицуулах агаарын навигацийн үйлчилгээний хэвийн үйл ажиллагааг тасралтгүй явуулах;

Мэргэжлийн хяналтын чиглэлээр:

1. Хорио цээр, хязгаарлалтын дэглэм тогтоосон шийдвэрийн хэрэгжилтэд хяналт тавиж, хэрэгжилтийг хангуулах;
2. Авто тээврийн шалган нэвтрүүлэх хяналтын цэгүүдэд ариутгал халдвартгуйжүүлэлтийг хийх, хяналт тавих;
3. Хилийн боомт, гүний гаалийн хяналтын бүсээр нэвтэрч буй болон дамжин өнгөрөх, улс хоорондын ачаа тээшийн тээвэрлэлт, эрдэс баялагийг экспортлох үеийн эрүүл ахуй, халдвараас сэргийлэх дэглэмийн мөрдөлт, халдвартгуйжүүлэлтийн үйл ажиллагаанд хяналт тавих;
4. Улсын хилээр нэвтэрч буй татан авалтын зорчигч, ачаа тээврийн жолоочийн халдвараас сэргийлэх дэглэмийн мөрдөлтэд хяналт тавих;
5. Аж ахуйн нэгж, байгууллага, иргэний үйл ажиллагаанд эрүүл ахуй, халдвараас сэргийлэх дэглэмийг мөрдүүлж, хэрэгжилтэд хяналт тавих;
6. Халдвартгуйжүүлэлтийн үйл ажиллагаанд мэргэжил арга зүйн зөвлөгөө өгөх, хяналт тавих;
7. Үндны ус хангамж, ахуйн болон урьдчилан сэргийлэх байгууламжийн үйл ажиллагаа, эрүүл ахуйн нөхцөл, шаардлагад хяналт тавих;
8. Ахуйн болон эрүүл мэндийн байгууллагын аюултай хог хаягдлын цуглуулалт, тээвэрлэлт, боловсруулалт, устгалын байдалд хяналт тавих;

9. Иргэд олон нийтэд халдвараас сэргийлэх зөвлөмж, сэрэмжлүүлэг, мэдээллээр хангах ажлыг зохион байгуулах;

Гаалийн хяналт, бүрдүүлэлтийн чиглэлээр:

1. Улсын хилээр бааа, тээврийн хэрэгслийг нэвтрүүлэх, хилийн болон гүний гаалийн хяналтын бусад гаалийн хяналт шалгалт бүрдүүлэлтийг зохион байгуулах;

2. Хүн амын хэрэгцээт хүнс, эм, эмнэлгийн хэрэгсэл, тоног төхөөрөмж, гадаад улсын буцалтгүй болон хүмүүнлэгийн тусlamжийн бааа, дипломат илгээмжийг улсын хилээр оруулахад гаалийн хялбаршуулсан бүрдүүлэлтийг хийх;

Хүнс, хөдөө аж ахуйн чиглэлээр:

1. Хүнсний гол нэрийн бүтээгдэхүүний нөөцийн судалгааг аймаг, нийслэл, сум, дүүргээр улсын хэмжээнд нэгтгэх, тодотгох;

2. Хүнсний аюулгүй байдлыг хангуулах, хүнс, хөдөө аж ахуйн гамшигаас хамгаалах албаны бэлэн байдал, хариу арга хэмжээний төлөвлөгөөг тодотгох, төлөвлөгөөний дагуу ажиллах;

3. Хүнсний үйлдвэрлэл, худалдаа, түгээлтийн үйл ажиллагаанд хязгаарлалт тогтоохгүй байх чиглэлд анхаарах, аймаг, нийслэлийн нутгийн захиргааны байгууллагатай хамтран ажиллах;

4. Хүнсний хангамжийн тогтвортой байдлыг хангах, нийлүүлэлтийг тасалдуулахгүй байх зорилгоор мал аж ахуй, газар тариалангийн үйл ажиллагааг орон нутагт хэвийн явуулах;

5. Хүнсний импортын үйл ажиллагааг холбогдох хууль тогтоомжийн хүрээнд явуулах нөхцөлийг бүрдүүлэх талаар төрийн байгууллагуудтай хамтран ажиллах, мэдээлэл солилцоог сайжруулах;

6. Мал, амьтны шилжилт хөдөлгөөнд тавих хяналтыг чангатгах, хороо цээр, хязгаарлалтын дэглэм, ариутгал, халдвартгуйжүүлэлтийг сайжруулах, шаардлагатай тохиолдолд орон нутгаас эрүүл ахуй, ариун цэврийн шаардлагад нийцсэн мал, малын гаралтай түүхий эд, бүтээгдэхүүний бэлтгэн нийлүүлэлтийн тогтвортой байдлыг хангуулан ажиллах;

Уул уурхайн чиглэлээр:

1. Ашигт малтмалын экспортын хэвийн үйл ажиллагааг халдвар хамгааллын дэглэмийн хүрээнд зохион байгуулах;

Эрчим хүчиний чиглэлээр:

1. Эрчим хүчиний найдвартай байдлыг хангах;

2. Цахилгааны станцын нүүрсний нөөцийг бүрдүүлэх, бэлэн байдлыг хангах;

3. Шахмал түлшээр ард иргэдийг найдвартай, тасралтгүй хангах;

4. Цахилгаан, дулааны найдвартай байдлыг хангах, суурин болон зөөврийн цахилгааны нөөц үүсгүүрийг ашиглах нөхцөлийг бүрдүүлэх;

Гадаад харилцааны чиглэлээр:

1. Монгол Улсад суугаа Дипломат төлөөлөгчийн болон олон улсын суурин төлөөлөгчийн газруудад зайлшгүй шаардлагатайгаас бусад тохиолдолд мөрдөх зөвлөмж хүргэх;
2. Монгол Улсаас гадаад улсад суугаа Дипломат төлөөлөгчийн газруудад цаг үеийн мэдээлэл солилцох, чиглэл өгөх;
3. Олон улсын хүмүүнлэгийн тусlamжийн хүсэх тохиолдолд НҮБ-ын хүмүүнлэгийн кластер болон холбогдох бусад байгууллагатай хамтран ажиллах;

Санхүү, эдийн засгийн чиглэлээр:

1. Цар тахлын үед иргэдийн эрүүл мэнд, орлогыг хамгаалах, ажлын байрыг хадгалах, эдийн засгийг идэвхжүүлэх, эрүүл мэндийн тусlamж үйлчилгээ үзүүлэх, хорио цээр, хязгаарлалтын дэглэмд шаардлагатай санхүүжилтийг шийдвэрлэх;
2. Нөхцөл байдалтай холбогдуулан зохион байгуулсан арга хэмжээний зардлын тооцоог хийж санхүүжилтийг шийдвэрлүүлэх;
3. Өвчний тархалт нэмэгдсэн үед шаардлагатай санхүүжилтийн асуудлыг холбогдох дээд байгууллагад тавьж шийдвэрлүүлэх;
4. Цар тахлын халдвартын голомтод болон эрсдэл бүхий нөхцөлд ажиллах байгууллага, ажилтныг шаардлагатай хамгаалах хувцас хэрэгсэл, техник, багаж, тоног төхөөрөмжөөр хангах, сургалт, сэтгэл зүйн туслалцаа болон бусад дэмжлэг үзүүлэх, хөдөлмөрийн аюулгүй байдлын нөхцөл бүрдүүлэх, эдгээртэй холбогдох зардлыг шийдвэрлэх;
5. Цар тахлын үед эдийн засгийг хамгаалах төлөвлөгөө гаргаж батлуулж, хэрэгжүүлэх;

Барилга, хот байгуулалт, дэд бүтцийн чиглэлээр:

1. Хот, суурин газрын усан хангамжийн системийн найдвартай байдлыг хангах;
2. Үндны усны түгээлт, хангалтыг шуурхай зохион байгуулах, аюулгүй байдлыг хангуулах;
3. Цэвэрлэх байгууламжийн хэвийн ажиллагаа, аюулгүй байдлыг хангах;

Хөдөлмөр, нийгмийн хамгааллын чиглэлээр:

1. Эмзэг бүлгийн хүн амын судалгааг аймаг, нийслэл, сум, дүүрэг, баг, хороогоор нэгтгэх, тодотгох, дэмжлэг үзүүлэх;
2. Эмзэг бүлгийн хүн амын хүнсний хангамж, нийлүүлэлтийг тасалдуулахгүй байх чиглэлд зохицуулалтын арга хэмжээг хэрэгжүүлэх;
3. Хөл хорионд орсон, тусгаарлагдсан, асран хамгаалах, харгалзан дэмжих хүнгүй, эсхүл хараа хяналтгүй байгаа хүүхэд, гэр бүлд сэтгэлзүйн болон эд материалын дэмжлэг үзүүлэх;

Харилцаа холбооны чиглэлээр:

1. Гэрийн хяналтад байгаа иргэдийн эмнэл зүйн мэдээллийг цахим санд бүртгэх технологи бий болгох, хэрэгжүүлэх;

Тусгайлсан чиг үүрэгтэй байгууллага:

1. Халдварт авсан, сэжиг бухий иргэд, тэдгээртэй хавьтагчдыг илрүүлэх, тандалт судалгаа хийх;

2. Онцгой нехцөнд ажиллах тусгай чиг үүргийн байгууллагуудын харилцан ажиллах төлөвлөгөөг тодотгох;

3. Тусгайлсан чиг үүргийн байгууллагын анги, салбарын бие бүрэлдэхүүн, техник хэрэгслийн бэлэн байдлыг хангах;

4. Гамшигтай тэмцэх, гамшигийн хор уршигийг арилгах үйл ажиллагаанд харилцан дэмжлэг үзүүлэх;

5. Эрэн хайх, аврах ажиллагаанд дэмжлэг үзүүлж оролцох;

6. Хойшлуулшгүй сэргээн босгох ажиллагаанд дэмжлэг үзүүлэх;

7. Шаардлагатай тохиолдолд олон улсын хүмүүнлэгийн тусламжийн барааг тээвэрлэх, цувааны хамгаалалтыг зохион байгуулах;

8. Нийтийн эмх замбараагуй байдал үүссэн үед хүч хэрэгслээр дэмжлэг үзүүлэх;

9. Улсын онц чухал объектыг хамгаалахад дэмжлэг үзүүлэх;

10. Хилийн боомтод мөрдөх журмыг чанд сахиж, хорио цээрийн дэглэмийг сахиулах;

11. Хилийн хяналтын байгууллагууд хамтарч олон улсын ачаа, тээврийг халдварт хамгааллын дэглэм сахиулж, улсын хилээр шалган нэвтрүүлэх;

12. Гаалийн хяналтын талбайд байгаа тир карней бухий ачаа, тээврийн хэрэгслийг байгууллага, хуулийн этгээд, иргэдэд олгох, замын хөдөлгөөнд оролцуулах;

13. Хилийн боомтод нийтийн эмх замбараагуй байдал үүсэхээс урьдчилан сэргийлэх арга хэмжээг авч хэрэгжүүлэх;

Шудрага өрсөлдөөн, хэрэглэгчийн эрхийг хамгаалах чиглэлээр:

1. Хүнсний гол нэрийн бүтээгдэхүүний хангамж, нийлүүлэлт, борлуулалтын байдал, нөөц, үлдэгдлийн хөдөлгөөнд едер тутам хяналт тавьж, нийлүүлэлтийн болон үнийн түвшинг тогтвортой байлгах, үнийн хөөрөгдөл, зохиомол хомсдол үүсгэх, хэт нөөцлөх, дамлан худалдаалахаас урьдчилан сэргийлэх, хариуцлага тооцох арга хэмжээг Өрсөлдөөний тухай хууль, Хэрэглэгчийн эрхийг хамгаалах тухай хуулийн хүрээнд зохион байгуулж, шийдвэрлэх;

Аймаг, нийслэлийн Засаг дарга:

1. Коронавируст халдвартын цар тахалтай тэмцэх, хариу арга хэмжээний төлөвлөгөөг тодотгох, гамшгаас хамгаалах бүх нийтийн бэлэн байдлын зэргийн үед хэрэгжүүлэх хариу арга хэмжээг зохион байгуулах;
2. Орон нутгийн Онцгой комиссын дэргэдэх шуурхай штабын ажиллах боломж нөхцөлийг бурдуулж, удирдлагаар хангах;
3. Тохиолдлын голомтод үүрэг гүйцэтгэх шуурхай арга хэмжээний багийн бэлэн байдлыг хангуулах;
4. Коронавируст халдвартын батлагдсан тохиолдол илэрсэн үед гамшгаас хамгаалах удирдлага зохицуулалтаар хангах, олон нийтэд бодит мэдээлэл өгөх, ухуулга сурталчилгаа хийх;
5. Харьяалах нутаг дэвсгэрийн хэмжээнд хорио цээр, хязгаарлалтын дэглэм тогтоох, хүч хэрэгсэл, хүнс, эм, эмнэлгийн хэрэгсэл, шатахуун зэрэг бүх төрлийн нөөцийн судалгааг байнга хийх, тодотгох, бэлэн байдлыг хангуулах;
6. Хүнсний гол нэрийн бүтээгдэхүүн, эм, эмнэлгийн хэрэгсэл, шатахууны бодит нөөцэд тулгуурлан шаардлагатай нөхцөл үүссэн тохиолдолд 1 хүнд худалдах тоо хэмжээний хязгаарлалт тогтоох;
7. Эмзэг булгийн хүн амын судалгааг сум, дүүрэг, баг, хороогоор гаргах, тодотгох, тэдэнд дулаан, цахилгаан, хүнсний хангамж, шаардлагатай тохиолдолд зруул мэндийн тусламж үйлчилгээг цаг алдалгүй хургэх;
8. Хүнсний хангамж, нийлүүлэлтийн тогтвортой байдлыг хангаж, хүнс худалдаа, түгээх үйл ажиллагааг зохион байгуулах, нийлүүлэлтийн зохиомол хомсдол, үнийн хэт хөөрөгдөл үүсэхээс урьдчилан сэргийлэх, хяналт тавих;
9. Орон нутагт хүнс, шатахууны хомсдол үүссэн тохиолдолд хангамж, нийлүүлэлтийн тогтвортой байдлыг хангах, татан авах, тээвэрлэх, түгээх үйл ажиллагааг шуурхай зохион байгуулах;
10. Ариуттал, халдвартгуйжүүлэлтэд хэрэглэгдэх бодисын нөөцийн судалгааг гаргаж, хомсдол үүсэхээс сэргийлэх хариу арга хэмжээг авах;
11. Эрүүл мэндийн байгууллагуудын бэлэн байдлыг хангах, нөөцийг тодотгох, шаардлагатай арга хэмжээний санал боловсруулж шийдвэрлэх, дэмжлэг үзүүлэх;
12. Нийтийн эзэмшлийн гудамж, талбайд цэвэрлэгээ, халдвартгуйжүүлэлт хийх ажлыг зохион байгуулах;
13. Улсын онц чухал объектын харуул хамгаалалтыг чангатгах;
14. Орон нутгийн тээвэр үйлчилгээнд оролцогч иргэдийн үйл ажиллагаанд хязгаарлалт тогтоох;
15. Халдвартын улмаас нас барах тохиолдолд иргэдийг оршуулах үйл ажиллагааг халдварт хамгааллын дэглэмийн дагуу гүйцэтгэх, хяналт тавих;
16. Хорио цээрийн дэглэмийн үед үйл ажиллагаа явуулах төрийн болон нутгийн захиргааны байгууллага, хуулийн этгээдийн жагсаалтыг гаргах;

17. Нийслэлийн хэмжээнд шахмал түлшээр ард иргэдийг найдвартай, тасралтгүй хангах;

18. Зайлшгүй тохиолдолд ард иргэдийг гэрийн нөхцөлд тусгаарлах ажлыг зохион байгуулах;

19. Нөхцөл байдлын талаар Улсын онцгой комиссын Шуурхай штабт тухайн өдрийн 10.00, 17.00 цагуудад мэдээлэл ирүүлэх;

Монголын Улаан загалмайн нийгэмлэг:

1. Цар тахалд нэрвэгдсэн, хөл хорионд орсон иргэдэд хүмүүнлэгийн тусlamж үзүүлэх;

2. Нөхцөл байдал хүндэрсэн тохиолдолд Олон улсын улаан загалмай, Улаан хавирган сар нийгэмлэг, холбоонд хандаж цар тахлаас хамгаалах хүмүүнлэгийн тусlamж дэмжлэг хүсэх;

Төрийн болон нутгийн захиргааны байгууллага, хуулийн этгээд:

1. Төрийн болон нутгийн захиргааны байгууллага, хуулийн этгээдийн үйл ажиллагааг ажлын тусгай горимд шилжүүлэх төлөвлөгөө гаргаж, Засгийн газрын 2020 оны 11 дүгээр сарын 11-ний өдрийн 178 дугаар тогтоолын хавсралтад зааснаас бусад үйл ажиллагааг хязгаарлах;

2. Болзошгүй эрдэлээс урьдчилан сэргийлэх, бууруулах, хөдөлмер хамгаалал, аюулгүй ажиллагааг баримталж ажиллах;

3. Байгууллагын ариутгал, халдвартгүйжүүлэлтийг тогтмол хийж, зруул мэндийн байгууллагаас өгч буй заавар зөвлөмжийг сахиж, ажилтан албан хаагчдад халдварт хамгаалалын дэглэмийг сайтар сахиулах;

4. Төрийн болон нутгийн удирдлага, захиргааны байгууллага, хуулийн этгээдийн 0-12 насны хүүхэдтэй эх, өрх толгойлсон эцэг, эхийг гэрээр ажиллах боломжоор хангах, цалинтай чөлөө олгох;

5. Ажилтан, албан хаагчдад халдварт хамгаалалын дэглэмийг сахиулах, зайлшгүй тохиолдлоос бусад үед ажил үүргээ зайнаас гүйцэтгэх нөхцөл, боломжийг бүрдүүлэх;

6. Хүнсний гол нэрийн бүтээгдэхүүн, эм, эмнэлгийн хэрэгсэл, шатахууны бодит неөцдэд тулгуурлан 1 хүнд худалдах тоо хэмжээний хязгаарлалт тогтоосон тохиолдолд холбогдох шийдвэрийг хэрэгжүүлж ажиллах, мэдээлэх;

7. Хүнс, бараа бүтээгдэхүүний хангамж, нийлүүлэлт, борлуулалт, түгээлтийн тогтвортой байдлыг хангаж, зохиомол хязгаарлалт, хомсдол, үнийн хэт хөөрөгдөл үүсэхгүй байх;

Иргэд:

1. Гамшигаас хамгаалах тухай хууль, Коронавируст халдварт /Ковид-19/-ын цар тахлаас урьдчилан сэргийлэх, тэмцэх, нийгэм, здийн засагт үзүүлэх сарег нелөөллийг бууруулах тухай хууль, Засгийн газар, Улсын онцгой комиссын шийдвэр, холбогдох хууль тогтоомжийг сахин биелүүлэх, зайлшгүй шаардлагатай тохиолдлоос бусад үед гарзэсээз гарахгүй байх;

2. Гэрээс гарах тохиолдолд эрүүл мэндийн байгууллагаас зөвлөмж болгосон халдварт хамгааллын дэглэм баримтлах;

Үүнд: иргэд хооронд 1.5-2 метр зайд баримтлах, амны хаалт зүүх, гарын ариун цэврийг сайтар сахих, иргэний үнэмлэх, түүнтэй адилтгах бичиг баримт биедээ байнга авч явах;

3. Гэртээ халдварт хамгааллын дэглэм баримталж амьдрах;

4. Албан ажлаар болон хувийн зайлшгүй шалтгаанаар зорчихдоо тээврийн хяналтын цэгээр нэвтрэх тохиолдолд эрх бүхий байгууллагаас олгосон зөвшөөрөл, иргэний үнэмлэх, түүнтэй адилтгах баримт бичигтэй зорчих;

5. Сайжруулсан шахмал түлшний хэрэглээний аюулгүй байдлыг хангаж, угаартах эрсдэлзэс хамгаалах;

6. Эрүүл мэндийн болон мэргэжлийн байгууллагын зөвлөмж, зааврыг чанд мөрдөх;

7. Бусдад халдвараас сэргийлэх талаар байнга зөвлөх;

Тав. Хяналт

5.1 Гамшгаас хамгаалах бүх нийтийн бэлэн байдлын зэрэгт шилжүүлсэн үед хэрэгжүүлэх арга хэмжээний удирдамжийн хэрэгжилтэд Улсын болон орон нутгийн Онцгой комисс тогтмол хяналт тавина.

Зургаа. Тайлагнах

6.1. Гамшгаас хамгаалах бүх нийтийн бэлэн байдлын зэрэгт шилжүүлсэн үед хэрэгжүүлэх арга хэмжээний удирдамжийн хэрэгжилтийн тайланг гамшгаас хамгаалах улсын албад, орон нутгийн Онцгой комиссын Шуурхай штаб гаргаж, тухай бүр Улсын онцгой комиссын Шуурхай штабт ирүүлнэ.

6.2. Улсын онцгой комиссын Шуурхай штаб тайланг нэгтгэж Улсын онцгой комиссын дарга, орлогч, нарийн бичгийн даргад танилцуулна.

Долоо. Хэрэгжилт

7.1. Энэхүү удирдамжийг хэрэгжүүлэх бүхий л үйл ажиллагаа нь Монгол Улсын Үндсэн хууль, холбогдох бусад хууль тогтоомж, тогтоол, шийдвэрт нийцсэн байна.

--ооо--